



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 48. Conventus pro examinanda Zwinglii doctrina Tigurini indictus.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

Sæcul. XVI invocationem & Missæ sacrificium, nec
A.C. 1523. minus damnabat Leges Ecclesiasticas,
 Vota, Cælibatum Clericorum & absti-
 nentiam a carnibus, necdum tamen ex-
 ternum Religionis cultum immutabat.
 Ceterum majori ac Lutherus modera-
 tione usus, nullatenus convitiis atque
 injuriis tumultuabatur, sed potius au-
 dientium animos verborum vi convin-
 cere, eorumque corda lenitate sibi de-
 vincere studebat: Postquam igitur sat
 auctoritatis ac gratiæ apud plebem sibi
 conciliaverat, totus in eo erat, ut media
 arriperet, quibus doctrina sua proba-
 retur, ac demum publice reciperetur.

§. XLVIII.

*Conventus pro examinanda Zwin-
 glii doctrina Tigurini
 indictus.*

Fiori. Ræm.
l. 2 de orig.
hæres. cap. 8.
Et l. 3. c. 3.
Steid. comm.
l. 3. sub fin.

Hunc in finem Tigurino Senatui au-
 ctor exstitit, ut incunte hoc anno
 conventum haberet, in eoque unacum
 Hugonis Constantiensis Episcopi Depu-
 tatis, aliisque Ecclesiasticis de Religio-
 nis negotio conferret. Annuere Tigu-
 rini, atque ad vigesimam nonam Janua-
 rii diem anno post Christum natum mil-
 lesimo quingentesimo vigesimo tertio
 conventum indixerunt, omnesque Pagi
 sui Ecclesiasticos eidem interesse roga-
 runt,

runt, simulque Constantiensem Episco-
 pum monuerunt, ut vel ipse adesset,
 vel suo nomine quemdam eo legaret,
 „ ut errores, inquit Senatus, qui Zwin-
 „ glio imputantur, unice ex sacris lite-
 „ ris impugnentur, ac dijudicari possit,
 „ quænam opiniones firmiter Verbo
 „ Dei insistant, demum vero sub seve-
 „ ris pœnis prohiberi valeat, ne quis
 „ doctrinæ tum approbandæ sese oppo-
 „ nat., „ Advenerant Constantiensis
 Episcopi nomine Joannes Faber ejus-
 dem Vicarius Generalis alique duo,
 præter quos magno numero Ecclesiastici
 confluerant.

Pro solempni Conventus auspicio Se-
 natorum Præses sermonem habuit, in
 quo exposuit, eo fine Senatum huc esse
 congregatum, ut sedulo, ambæ doctri-
 næ discuterentur, & utra earum an Ca-
 tholica vel Zwingliana acceptanda fo-
 ret; his subjunxit, quod cuicumque ple-
 na concederetur libertas, vi cujus al-
 terutram vel impugnare, vel defendere
 valeat. Hujus Senatoris verba exce-
 pit Fridericus de Anwy, unus ex Con-
 stantiensis Episcopi Deputatis, sicque
 peroravit: missus sum a meo Præsule,
 ut dissidiorum, quibus Tigurina Eccle-
 sia agitur, causas explorarem, de ce-
 tero palam profiteor, me eo duntaxat
 sine huc venisse, ut pacem conciliem, ac
 contro-

Secul. XVI.

A. C. 1523.

Sæcul. XVI.

A. C. 1523.

controversias amice componam, quinimo rationes utrinque allegandas lubenti animo auscultabo, nilque definiam, donec Episcopus unacum Sacro suo Senatu sententiam pronunciaverit. His dictis Zwinglius e loco suo surgens, hunc in modum effatus est: novissimis hisce temporibus verbi divini lumen non modo obscuratum, sed hominum traditionibus ferme extinctum fuit, suscitavit tamen Dominus quosdam Viros, qui, ut pristinum splendorem Ecclesiæ redderent, Evangelium in tota puritate sua annunciarunt, ex quorum numero haud infimus ego sum; cum vero velut hæreticus traducer, etsi quinto abhinc anno nil omnino nisi Sacris literis suffultus docuerim, ideo Senatam supplex accessi, ut conventum ageret, in quo de doctrina mea rationem reddere possim.

§. XLIX.

Zwinglii doctrina sexaginta septem propositionibus comprehensa.

Steid. comm.
lib. 3. sub fin.
p. 91.

Zwinglius doctrinæ suæ summam sexaginta sex propositionibus comprehendit, omnesque ab erroribus immunes, necnon Evangelio consonas jactabat: Possunt autem illæ haud difficulter ad sequentes articulos revocari. *I. Ecclesia est communio Sanctorum,*
cujus